



Arkivnr: 2017/3598-2

Saksbehandlar: Vibeke Nymo

**Saksframlegg****Saksgang**

Utval	Saknr.	Møtedato
Utval for opplæring og helse		15.05.2018

**Redusert eigendel elev-pc 2018****Samandrag**

Under budsjettetthandsaminga i fylkestinget i desember 2016 vart det løyvd 3 mill. kroner årleg til redusert eigendel elev-pc. Opplærings- og helseutvalet fatta i PS-sak 61/17 9.mai 2017 vedtak om at ekstraløyvinga skulle nyttast til å redusere eigendel for elev-pc, standardmodellen, med omlag kr 800,-. Det vart også vedteke at satsane for eigendel på elev-pc skulle vedtakast årleg i opplærings- og helseutvalet.

Hordaland fylkeskommune har ei pc-ordning der elevane eig pc-ane sine sjølve. Elevane får tilbod om å kjøpe subsidiert pc gjennom vår innkjøpsavtale; alternativt kan elevane nytte ein pc dei eig.

Elevane får tilbod om å kjøpe ein av tre ulike subsidierte modellar:

- ein grunnmodell
- ein kraftigare pc-modell
- ein Mac-modell

Inneverande år er det gjennomført ny anbodskonkurranse og innpris på grunnmodell og kraftig pc-modell har vorte lågare sjølv om maskinane har like gode spesifikasjoner som året før. Det er difor mogeleg å redusere eigendelen på grunnmodellen.

Alle maskinane blir selde med tre års garanti. I tillegg tilbyr leverandør ei uhellsforsikring som ein opsjon. Det er stadig fleire elevar som vel å kjøpe uhellsforsikring ved kjøp av subsidiert maskin, førre skuleår valde 60 % uhellsforsikring. Uhellsforsikringa dekkjer eit uhell årleg.

Å gje elevane uhellsforsikring inkludert i prisen på grunnmodellen vil gje elevane større økonomisk tryggleik i høve til reperasjonskostnader i tre år. I tillegg vil det på grunn av prisnedgang i nytt anbod vere rom for å redusere eigendelen med om lag kr 200,- til om lag kr 2 000,-. Elevar som vel å kjøpe pc-en utan avbetaling, får eit ytterlegare prisavslag på kr 500,-

Når det gjeld kraftig pc, rår fylkesrådmannen til at subsidien vert vidareført på same nivå som i skuleåret 2017/18. På Mac-maskinane er det rom for å auke subsidien med kr 250,- til kr 1000,-. Elevane som kjøper kraftig pc eller Mac-maskin, får også tilbod om å kjøpe uhellsforsikring for hhv. kr 600 og kr 1400,-.

**Økonomi:** Innstillinga til fylkesrådmannen vil ikkje gje nokon økonomisk konsekvens utover budsjettet kostnad, gitt at det ikkje blir ein vesentleg auke i elevar som kjøper elev-pc, grunnmodellen.

**Klima:** ingen kjent effekt

**Folkehelse:** ingen kjent effekt

**Regional planstrategi:** ingen kjent effekt

**Forslag til vedtak**

- 1 Uhellsforsikring vert inkludert i prisen på grunnmodellen. Dette vil gje elevane større økonomisk tryggleik i høve til reparasjonskostnader i tre år.
- 2 Eigendelen på grunnmodellen vert redusert med om lag kr 200,- til om lag kr 2 000,-.
- 3 Subsidien til kraftig pc vert sett til kr 1550,-.
- 4 For Mac-maskinar vert subsidien sett til kr 1000,-.

Rune Haugsdal  
fylkesrådmann

Svein Leidulf Heggheim  
fylkessjef opplæring

*Saksframlegget er godkjent elektronisk og har derfor ingen underskrift.*

## Fylkesrådmannen, 27.04.2018

### Bakgrunn

Under budsjettetahandsaminga i fylkestinget i desember 2016 vart det løyvd 3 mill. kroner årleg til redusert eigendel elev-pc. Opplærings- og helseutvalet fatta i PS-sak 61/17 9.mai 2017 vedtak om at ekstraløyvinga skulle nyttast til å redusere eigendel for elev-pc, standardmodellen, med omlag kr 800,-. Det vart også vedteke at satsane for eigendel på elev-pc skulle vedtakast årleg i opplærings- og helseutvalet.

Hordaland fylkeskommune har ei pc-ordning der elevane eig pc-ane sjølve. Elevane får tilbod om å kjøpe subsidiert pc gjennom vår innkjøpsavtale; alternativt kan elevane nytte ein pc dei eig.

Elevane får tilbod om å kjøpe ein av tre ulike subsidierte modellar:

- ein grunnmodell
- ein kraftigare pc-modell
- ein Mac-modell.

Dei siste åra har subsidien til kraftig pc og Mac vore lågare enn subsidien til grunnmodellen. Dette skuldast først og fremst eit ønskje om å halde prisane så låge som mogleg på grunnmodellen, men også at ein har hatt dialog med andre fylkeskommunar før prissetting. Økonomisk stønad til grunnmodellen er differansen mellom totalpris på grunnmodell og 3 x lågaste utstyrssstipendsats.

### Subsidie

Ved å organisere innkjøpet som eit felles kjøp er det grunn til å tru at fylkeskommunen får gode rabattar. I tillegg kan fylkeskommunen krevje mva-frådrag for pc-ane. Dette er med på å bidra til at prisane som HFK gir til elevane, vert lågare enn det ein tilsvarande maskin vil koste kjøpt enkeltvis i ein butikk. Mva-frådraget er om lag kr 1 290,- på grunnmodellen i 2017/18. Inneverande år er det gjennomført ny anbodskonkurranse, og innpris på grunnmodellen har vorte lågare sjølv om pc-en har like gode spesifikasjonar som året før. Det er difor mogeleg for å redusere eigendelen med om lag kr 200,- på grunnmodellen.

I skuleåret 2017/18 er subsidien til grunnmodellen om lag kr 2 900,-, i skuleåret 2016/17 var det om lag kr 2050,-. Til den kraftige pc-en er subsidien om lag kr 1 550,- og til Mac-maskinen om lag kr 750,-. Fylkesrådmannen rår til at subsidien til kraftig pc vert vidareført med kr 1 550,- og at subsidien for Mac-maskin vert auka med kr 250,- til kr 1000,-.

### Elevmasse og venta tal kjøparar

Saka i 2017 la til grunn at om lag 3 700 elevar eller 60 % av elevmassen vil nytte seg av tilbodet om å kjøpe grunnmodellen, når eigendelen vart redusert med kr 800,-. Total kostnad ville då bli om lag 3 mill. kroner. Skuleåret 2017-18 var det 1878 elevar som kjøpte grunnmodellen. I skuleåret 2016-17 kjøpte 2162 elevar grunnmodellen. I staden for at talet på kjøparar auka slik vi la til grunn i saka i mai 2017, ser vi ein reduksjon i kjøpstala mellom dei to skuleåra på 284. Meirkostnaden av den reduserte eigendelen vart om lag 1,5 mill. kroner.

Det er også reduksjon i totalt tal kjøpte elevmaskinar, frå 3 693 i 2016-17 til 3 348 i 2017-18. Ein reduksjon på 336 eininger. Det er grunn til å tru at reduksjonen i tal kjøpte maskinar heng saman med eit noko lågare elevkull inneverande skuleår enn skuleåret 2016/17. Hausten 2017 var det rekna med ein elevmasse med rett til å kjøpe elev-pc på om lag 6200. Tilsvarande tal var 6400 skuleåret 2016/17.

Det er ikkje mogleg å lese ut av tala om det er ei gradvis endring i kjøpsvanar som er årsak til redusert tal kjøpte grunnmodellar, eller om det berre er nedgang i ungdomskulla som er årsaka. Vidare kan det sjå ut til at dei elevane som har bestemt seg for å kjøpe ein kraftigare maskin eller ein Mac, gjer dette sjølv om prisen på grunnmodellen har vorte vesentleg lågare. Det er heller ikkje mogeleg å lese ut av kjøpstala om lågare eigendel gjer at fleire med svak økonomi får anledning til å kjøpe pc. Om ein ser bort frå reparasjonar og at elevar gløymer å ta med seg pc på skulen, har ikkje skulane rapportert om problem med at elevane ikkje disponerer pc i undervisninga.

Tabellen under syner utviklinga i elevmasse, del som har kjøpt grunnmodell, del som har kjøpt kraftig modell og Mac, tal elevar som har kjøpt grunnmodell og tal elevar som har kjøpt kraftig pc eller Mac.

	2015/16	2016/17	2017/18
Elevmasse som kan kjøpe subsidiert pc	6 700	6 400	6 200
Del kjøpt grunnmodell	36 %	34 %	30 %
Del kjøpt kraftig pc eller Mac	18 %	24 %	24 %
Del ikkje nytta seg av tilbod	46 %	42 %	46 %
Tal kjøpte grunnmodell	2 419	2 162	1 878
Tal kjøpte kraftig pc eller Mac	1 205	1 531	1 479
Totalt kjøpte maskinar	3 624	3 693	3 357

I 2018 er det venta at talet på elevmassen vert om lag som i 2017. Men innføringselevar vil frå skuleåret 2018/19 få status som vg1-elevar og frå då ha rett til å kjøpe elev-pc frå år 1 i vidaregåande skule. (Innføringselevar har til no leigd maskin første året). Venta elevmasse som kan kjøpe subsidiert pc, aukar difor med om lag 200 komande skuleår til 6400 totalt.

### Uhellsforsikring

Av tabellen går det fram at om lag 1900 elevar eller 30 % av dei som kan kjøpe ein subsidiert maskin, vel grunnmodellen. Dersom ein legg til grunn at om lag like mange elevar vel å kjøpe grunnmodellen komande skuleår, er det rom få å redusere eigenbetalinga ytterlegare eller legge inn ei uhellsforsikring i tilboden.

Alle maskinane blir selde med tre års garanti. I tillegg tilbyr leverandør ei uhellsforsikring som ein opsjon. Det er stadig fleire elevar som vel å kjøpe uhellsforsikring ved kjøp av subsidiert maskin, førre skuleår valde 60 % uhellsforsikring. Uhellsforsikringa dekkjer eit uhell årleg. Døme på uhell er knust skjerm og vannsøl. Det vert ikkje kravd eigendel ved bruk av uhellsforsikringa. Elevmaskinane transporterast dagleg mellom skule og heim, og vil i løpet av skulegangen kunne bli utsatt for skade. I tillegg til allereie lågare pris på grunnmodellen, fastsett skuleåret 2017-18 med ein reduksjon på om lag kr 800 og rom for neste år å redusere eigendelen med ytterlegare kr 200,- på grunn av lågare innpris, kan eit tiltak vere å leggje uhellsforsikringa inn i prisen på grunnmodellen komande skuleår. Kostnad for uhellsforsikring er kr 600,-. Dette tiltaket vil sikre elevane ein god maskin og gje større økonomisk tryggleik i høve til reparasjonskostnader.

### Kostnad

Dersom vi legg til grunn at 1300 elevar eller om lag 20 % av elevmassen vil nytte seg av tilboden, og vidarefører reduserert eigenbetaling med kr 800,- (+200,- kr pga lågare innpris) og legg inn uhellsforsikring til en verdi av kr 600.- vil det gje ein total kostnad på 1,8 mill. kroner. Dersom 1900 elevar eller 30 % av elevmassen skulle velje å nytte seg av dette tilboden, vil kostnaden bli om lag 2,6 mill. kroner. Dersom 2 600 elevar - 40 % av elevmassen - kjøper, vil kostnaden bli om lag 3,6 mill. kroner. Dersom 3200 elevar eller 50 % av elevmassen – kjøper, vil kostnaden bli om lag 4,4 mill. kroner.

Del elevar som kjøper grunnmodell	Tal elevar som kjøper	Kostnad
30 %	1900	2 600 000

40 %	2600	3 600 000
50 %	3200	4 400 000

Det blei selt 1 878 grunnmodellar inneverande skuleår som tilsvrar om lag av 30 % av dei får tilbod om å kjøpe maskin. Dersom like mange vel å nytte tilboden komande skuleår (1 878 elevar ), er det rom for å redusere eigendelen med ytterlegare 800 kr. Totalt redusert i høve 2016 blir då kr 1 600,- (+200 pga lågare innpris). Dette vil gje ein eigandel på kr 1 000,-. I tillegg får dei som kjøper kontant, ein rabatt på kr 500,-. Eigenbetalinga vert då kr 500,-. Det er grunn til å tru at fleire elevar som i dag ikkje kjøper elev-pc gjennom fylkeskommunen, då vil velje å nytte seg av ordninga og kjøpe grunnmodellen kontant. Dette vil få konsekvensar både for ekstra subsidiar og total kostnad for pc-ordinga. Ein slik auke i tal kjøparar gir ein monaleg risiko for meirkostnad utover budsjettetramma til Opplæringsavdelinga.

### Oppsummering

Å gje elevane uhellsforsikring inkludert i prisen på grunnmodellen vil gje elevane større økonomisk tryggleik i høve til reparasjonskostnader i tre år. I tillegg vil det på grunn av prisnedgang i nytt anbod vere rom for å redusere eigendelen med om lag kr 200,- til om lag kr 2 000,-.

Fylkesrådmannen rår til at subsidien til kraftig pc vert vidareført med kr 1 550,- og at subsidien for Mac-maskin vert auka med kr 250,- til kr 1000,-. Desse elevane får også tilbod om å kjøpe uhellsforsikring for hhv. kr 600 og kr 1400,-.